

extraordinaria celebrada o día 11 de agosto de 2016, e en cumprimento do disposto no artigo 70.2 da Lei 7/85, de 2 de abril, Reguladora das Bases do Réxime Local, modificada pola Lei 57/2003, de 16 de decembro de medidas para a modernización do goberno local, faise público o texto da Ordenanza para a súa entrada en vigor:

ORDENANZA MUNICIPAL REGULADORA DAS BASES PARA A CONCESIÓN DE AXUDAS PARA O FOMENTO DA NATALIDADE DO CONCELLO DE O VALADOURO.

EXPOSICIÓN DE MOTIVOS.

A familia está amparada pola Constitución Española que, no seu artigo 39; asegura a protección social, económica e xurídica da mesma. Asimesmo, os artigos 25 a 28 da Lei 7/85, de 2 de abril, Reguladora das Bases do Réxime Local, outorgan ó municipio competencia para promover a prestación de servizos sociais nos termos da lexislación do Estado e das Comunidades Autónomas, podendo realizar actividades complementarias das propias ou de outras administracións públicas e, en particular as relativas á educación, a cultura, a promoción da muller, a vivenda, a sanidade e a protección do medio ambiente. O descenso do índice de natalidade é un feito xeralizado nos países desenrolados sendo, especialmente significativo o exemplo español. No noso país, dende mediados do anos 70, dito índice experimentou unha notable tendencia á baixa, representando, na actualidade, unha das taxas máis baixas de Europa.

O Concello de O Valadouro, non é alleo a este problema. A incorporación da muller ó mundo laboral, fenómeno que sendo positivo, require un esforzo de readaptación familiar, o retraso na idade de emancipación dos nosos xoves e a evolución dos patróns que rexen os hábitos sociais e culturais, son algunhas das causas que inflúen na merma da natalidade, que é, sen dúbida, un dos principais problemas ós que debe facer fronte a nosa sociedade nos próximos anos. O Concello, consciente deste problema e da necesidade de expor solucións, xa que, en definitiva, son as persoas o principal valor dunha comunidade e a familia o pilar tradicional no que se asenta a nosa sociedade, decidiu establecer esta medida de fomento encamiñada a reactivar a natalidade.

Esta medida de apoio encontra o seu fundamento na lóxica necesidade de que, sendo a natalidade un beneficio para todos, é lexítimo que entre todos se axude ós pais a soportar as indudables cargas que se ocasionan sobre todo nos primeiros meses de vida dun neno/a. Trátase así de remover os obstáculos que entorpecen a propia vontade das parellas de elixir a dimensión da súa familia, de conquistar que a decisión de ter ou adoptar un fillo dependa unicamente das conviccións ou desexos persoais, non de causas alleas ás mesmas. Deste modo, as axudas previstas tratan de favorecer a decisión en última instancia sempre persoal, de ter ou adoptar un fillo, paliando os desembolsos económicos que supón a incorporación dun novo membro á unidade familiar nos primeiros meses.

Co obxectivo último de fomentar a natalidade e co inmediato de dar unha axuda ás familias do Concello de O Valadouro, na medida dos recursos de que dispón este Concello, preténdese axudar ás familias que teñan fillos/as por nacemento ou adopción mediante a posta en marcha da presente ordenanza.

ARTIGO 1. FUNDAMENTO.

1.1.-A presente ordenanza ten o seu fundamento nas competencias que o artigo 2 e artigo 25.1. da Lei 7/85, de 2 de abril, Reguladora das Bases do Réxime Local, outorga a este Concello.

1.2.- O artigo 25 da Lei 7/85, de 2 de abril, Reguladora das Bases do Réxime Local, establece que os municipios para a xestión dos seus intereses e no ámbito das súas competencias, poden promover toda clase de actividades e contribúan a satisfacer as necesidades e aspiracións da comunidade veciñal.

1.3.- Este Concello considera de interese público o apoio ás familias, circunscribindose dentro deste o fomento da natalidade. Este é o fundamento e o fin da presente ordenanza, que pretende incentivar os novos nacementos de fillos de familias valecas.

ARTIGO 2.- OBXECTO.

2.1.- O obxecto desta ordenanza é a regulación do réxime xurídico do outorgamento de axudas para o fomento de natalidade deste Concello coa finalidade de fixar a poboación dentro do termo municipal.

ARTIGO 3.- NATUREZA DA AXUDA.

3.1.- As axudas que se outorgen conforme á presente ordenanza teñen a natureza de subvención directa conforme ó establecido no artigo 22.2.c) da Lei 38/2003, de 17 de novembro, Xeral de Subvencións e na Lei 9/2007, de 13 de xuño, de subvencións de Galicia.

ARTIGO 4.- BENEFICIARIOS.

4.1.- Serán beneficiarios das subvencións reguladas na presente Ordenanza:

- a) Os proxenitores, xa sexan casados, parellas de feito ou familias monoparentais que teñan fillos.
- b) Os adoptantes de nenos menores de 3 anos.

4.2.- Nos supostos de nulidade, separación ou divorcio dos proxenitores, será beneficiario o proxenitor que teña a custodia do fillo/a.

ARTIGO 5.- REQUISITOS PARA A CONCESIÓN DA SUBVENCIÓN.

5.1.- Dará lugar ó recoñecemento da subvención cada nacemento que teña lugar ou cada adopción que se formalice polos beneficiarios sinalados no artigo anterior a partir do 1 de xaneiro de 2016.

5.2.- Será requisito imprescindible para o recoñecemento da subvención que residan no municipio con carácter efectivo e acreditados neste municipio con alomenos seis meses de antigüidade alomenos un dos proxenitores, no caso de casados ou parellas de feito, o adoptante, ou no caso de familias monoparentais. Será documento acreditativo o certificado de empadramento e inscrición padroal así como o libro de familia.

5.3.- O menor recién nado ou adoptado terá que ser empadroado por primeira vez neste Concello e convivir cos solicitantes no mesmo domicilio. Será documento acreditativo o certificado de empadramento e inscrición padroal. No caso de que algún dos proxenitores se atope traballando no extranxeiro ou noutra comunidade, non figurando empadroado neste municipio, deberá acreditarlo con copia do correspondente contrato de traballo.

5.4.- Será requisito para o pago efectivo da axuda que as persoas beneficiarias sinaladas nos apartados anteriores continúen residindo no Municipio, e que, en todo caso, o recién nado fose empadroado por primeira vez no Concello. No caso de adopción, que no prazo dun mes a contar dende a resolución xudicial, sexa inscrito no Padrón, asimesmo, no domicilio do adoptante.

5.5.- En ningún caso podrán ser beneficiarios os proxenitores privados da patria potestade dos seus fillos, ou se a tutela ou garda fose asumida por unha institución pública.

5.6.- Os beneficiarios deberán atoparse ó corrente das súas obrigas tributarias con Facenda, coa Seguridade Social e co Concello de O Valadouro, cuestión esta última que será comprobada de oficio polo propio Concello.

5.7.- Os ingresos da unidade familiar non poden superar 3,5 veces o SMI sinalado para o ano correspondente no que se efectúe a solicitude de axuda.

ARTIGO 6.- CONTÍA DAS AXUDAS E IMPUTACIÓN DO GASTO.

6.1.- Cada nacemento que teña lugar ou cada adopción que se formalice cumprindo os requisitos sinalados nesta Ordenanza sera obxecto dunha axuda de 600 euros.

6.2.- Considerase unidade familiar a formada polo pai, nai, tutor de garda e protección do menor e os fillos solteiros menores de 25 anos que convivan no domicilio familiar ata a data da solicitude.

6.3.- Non poderá percibirse máis dunha axuda por nacemento ou adopción. En caso de partos múltiples terase dereito a percibir un 100% adicional para cada fillo. No caso de adopción de máis dun menor, terase en conta o mesmo porcentaxe de incremento.

6.4.- O Concello anualmente no seu orzamento, como requisito imprescindible, destinará a cantidade a conceder por axudas á natalidade.

6.5.- A imputación do gasto realizarase con cargo a esa partida presupostaria específica que se creará no orzamento xeral do Concello, a cuxa existencia se vinculará a aplicación desta ordenanza na medida en que debe estar previsto o crédito de maneira adecuada e suficiente para a súa efectividade.

6.6.- O Concello, non obstante o disposto no apartado anterior, á vista das cifras resultantes, previa a tramitación da correspondente modificación orzamentaria, podrá incrementar ou diminuir o importe global e, en consecuencia, a cantidade a outorgar a cada beneficiario.

ARTIGO 7.- PROCEDEMENTO DE CONCESIÓN.

7.1.- As axudas, dirixidas ao alcalde-presidente, presentaranse no Rexistro Xeral do Concello ou polos procedementos previstos no artigo 38 da Lei 30/1992, de 26 de novembro, reguladora do Réxime Xurídico das Administracións Públicas e do Procedemento Administrativo Común, dentro dous meses seguintes ó nacemento ou adopción. Deberá presentarse conforme ó modelo que figura como anexo na presente ordenanza, no que expresamente se declarará que se cumpre con tódolos requisitos establecidos na presente Ordenanza.

7.2.- Xunto coa solicitude deberá presentarse a seguinte documentación:

- a) Copia compulsada do documento nacional de identidade, pasaporte ou documento administrativo que acredite a identificación do solicitante como beneficiario/dos dous proxenitores.
- b) Fotocopia do libro de familia.
- c) Certificado de nacemento do recién nado expedido polo Rexistro Civil no caso de nacementos.
- d) Copia compulsada da resolución xudicial no caso de adopción.
- e) Certificado de empadramento dos beneficiarios que acredite a residencia efectiva no municipio durante alomenos seis meses dun dos proxenitores, así como de inscrición padroal dos beneficiarios co recém nado ou adoptado/a. Se indiciará a data de empadramento do recém nado e a causa de inscrición.
- f) Xerocopia da última declaración da renda, ou no seu defecto certificado negativo de Facenda.
- g) Poderase solicitar xustificantes económicos de tódolos membros da unidade familiar, referidos ó período computable: nóminas, contratos de traballo, recibos de pensións, certificados de vida laboral, certificados negativos de pensión e prestacións, recibos das cuotas de pago á Seguridade

Social ou calquera documentación que corresponda a cada caso e que xustifique a situación económica.

h) Convenio regulador ou sentenza xudicial de nulidade, separación ou divorcio no seu caso.

i) Certificación de atoparse ó corrente no cumprimento das obrigas tributarias e coa Seguridade Social ou autorización ó órgano municipal competente no seu caso. O Concello comprobará de oficio que os solicitantes están ó corrente no cumprimento dos deberes fiscais municipais.

j) Documentación acreditativa da titularidade da conta bancaria na que se solicita o ingreso da axuda.

k) Declaración xurada das axudas solicitadas ou recibidas para a mesma finalidade.

7.3.- Será instrutor do expediente a Concellalía competente en materia de Servizos Sociais.

7.4.- Se a solicitude non reune tódolos requisitos establecidos na convocatoria, o órgano competente requirirá ó interesado para que os subsane no prazo máximo imperrogable de dez días, indicándolle que se non o fixese terase por desistido da súa solicitude, previa resolución que deberá ser ditada nos termos previstos no artigo 71 da Lei 30/1992.

7.5.- A través do instrutor do expediente e unha vez completada a documentación formularase a correspondente proposta de resolución, debidamente motivada.

7.6.- As axudas concederanse pola Xunta de Goberno Local. As resolucións ou acordos de concesión da axuda faranse por orde cronolóxica de solicitude e só poderán ser denegadas polos seguintes motivos:

a) Non cumprir os requisitos establecidos para a concesión da axuda.

b) Presentar a solicitude fora do prazo establecido no artigo 6.1 desta Ordenanza.

c) Estar esgotado o crédito orzamentario habilitado na partida para esta finalidade.

7.7.- As solicitudes resolveranse no prazo máximo de 3 meses a contar dende a data de presentación da solicitude. O vencemento do prazo máximo sen terse notificado a resolución lexitima ós interesados para entender desestimada a solicitude de concesión por silencio administrativo.

ARTIGO 8.- ABONO DAS AXUDAS

8.1.- O pago da axuda concedida efectuarase da seguinte forma:

a) o 60% da axuda concedida mediante transferencia bancaria á conta que indicase o beneficiario da solicitude dentro do mes seguinte á data de concesión da axuda.

b) o 20% da axuda cando se acredite a residencia efectiva dun ano dende o nacemento ou adopción.

c) o 20% restante cando se acredite a residencia efectiva de dous anos dende o nacemento ou adopción.

ARTIGO 9. COMPATIBILIDADE DAS AXUDAS.

9.1.- As presentes axudas serán compatibles con calquera outra establecida polas Administracións Públicas ou calquera dos seus organismos.

ARTIGO 10.- DEBERES DOS BENEFICIARIOS.

10.1.- A presentación de solicitude polos beneficiarios supón a aceptación incondicional das bases .

10.2.- Os beneficiarios están obrigados a comunicar ó Concello calquera circunstancia que modifique os requisitos para obter a subvención.

10.3.- Os beneficiarios están obrigados a reintegrar a axuda concedida cando se incumplan os requisitos para a súa concesión establecidos nas presente bases.

ARTIGO 11.- RESPONSABILIDADES.

11.1.- Calquera falsidade que se detecte dará lugar o non recoñecemento da axuda ou, no caso de te-la percibida xa, á devolución da mesma cos intereses legais correspondentes, independentemente das responsabilidades administrativas, civís ou penais que se poidesen esixir.

ARTIGO 12. REINTEGRO DAS AXUDAS.

12.1.- O incumprimento dos requisitos establecidos nas presentes bases conleva o reintegro das axudas concedidas.

12.2.- O réxime xurídico do reintegro das axudas será o establecido no Título II da Lei 38/2003, de 17 de novembro, Xeral de Subvencións e na Lei 9/2007, de 13 de xuño, de Subvencións de Galicia.

ARTIGO 13. INFRACCIÓNS E SANCIÓNS.

13.1.- Serán as establecidas nos artigos 52 e seguintes da Lei 38/2003, de 17 de novembro, Xeral de Subvencións.

ARTIGO 14. RÉXIME XURÍDICO.

14.1.- A normativa que regula a concesión de axudas á natalidade, no non previsto nestas Bases, será a establecida na Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común, na Lei 38/2003, de 17 de novembro, Xeral de Subvencións, no Real Decreto 887/2006, de 21 de xullo, polo que se aproba o Regulamento Xeral de Subvencións e na Lei 9/2007, de 13 de xuño, de Subvencións de Galicia.

DISPOSICIÓN TRANSITORIA.

Durante o exercicio de 2016 tomaranse en consideración os nados dende o 1 de xaneiro ó 31 de decembro de 2016 ós efectos da súa consideración como beneficiarios das axudas contempladas.

DISPOSICIÓN FINAL.

A presente ordenanza aprobada polo Pleno do Concello, entrará en vigor, unha vez publicado o seu texto integro no Boletín Oficial da Provincia de Lugo e transcurra o prazo previsto no artigo 65.2 da Lei 7/85 de 2 de abril, por remisión do disposto no artigo 70.2 do citado texto legal, permanecendo en vigor ata a súa modificación ou derogación expresa.

ANEXO I.

SOLICITUDE DE AXUDA PARA O FOMENTO DA NATALIDADE DO CONCELLO DE O VALADOURO**SOLICITANTE**

Nome.....e apelidos....., D.N.I.....,
Teléfono.....

ENDEREZO PARA EFECTOS DE NOTIFICACIÓN:

Enderezo:, Núm..... Piso.....
Código Postal..... Correo electrónico.....

REPRESENTANTE

Nome.....e apelidos....., D.N.I.....,
Teléfono..... Enderezo:, Núm..... Piso.....
Código Postal..... Correo electrónico.....

DATOS DO FILLO/A

Nome: Data de nacemento.....

DOCUMENTACIÓN QUE SE ADXUNTA¹:

Copia compulsada do documento nacional de identidade, pasaporte ou documento administrativo que acredite a identificación do solicitante como beneficiario/dos dous proxenitores.

Fotocopia do libro de familia.

Certificado de nacemento do recién nado expedido polo Rexistro Civil no caso de nacementos.

Copia compulsada da resolución xudicial no caso de adopción.

Certificado de empadramento dos beneficiarios que acredite a residencia efectiva no municipio durante alomenos seis meses dun dos proxenitores, así como de inscrición padroal dos beneficiarios co recém nado ou adoptado/a. Se indicará a data de empadramento do recém nado e a causa de inscrición.

Xerocopia da última declaración da renta, ou no seu defecto certificado negativo de Facenda.

Convenio regulador ou sentenza xudicial de nulidade, separación ou divorcio no seu caso.

Certificación de atoparse ó corrente no cumprimento das obrigas tributarias e coa Seguridade Social ou autorización ó órgano municipal competente no seu caso. O Concello comprobará de oficio que os solicitantes están ó corrente no cumprimento dos deberes fiscais municipais.

Documentación acreditativa da titularidade da conta bancaria na que se solicita o ingreso da axuda.

Declaración xurada das axudas solicitadas ou recibidas para a mesma finalidade.

DECLARA BAIXO A SÚA RESPONSABILIDADE:

Que cumpre con tódolos requisitos establecidos na Ordenanza Municipal de o Concello de O Valadouro reguladora da concesión de axudas para o fomento da natalidade do Concello de O Valadouro aprobada na sesión plenariade data para poder obter as axudas reguladas na mesma.

O Valadouro ade.....de 2016.

SR. ALCALDE-PRESIDENTE DO CONCELLO DE O VALADOURO